

Brjef landshöfðingja til póstmeistarans um gjald fyrir krossbandssendingar með póstum, er eigi er nægilega borgað undir. — Eptir að hafa fengið þóknanlegt brjef yðar, herra póstmeistari, dagsett 27. jan. þ. á, viðvikjandi umkvörtun ritstjóra Valdímars Ásmundssonar yfir því, hve hátt burðargjald er tekið fyrir krossbandssendingar, sem ekki hefur verið borgað undir fyrir fram, skal yður hjer með þjónustusamlega tjáð, til þóknanlegrar leiðbeiningar, að jafnvel þótt heimild sje til eptir lögnum að heimta tvöfalt brjefburðargjald undir óborgaðar krossbandssendingar, þá álit jeg þó rjettast að fylgja eptirleiðis samskonar reglu og þeirri, sem sett er í »Udenrigs Brevposttaxt« frá 1. júlí 1892 bls. 12, 3. málsgr., og tvöfalda að eins þá upphæð, sem vantar á að fullborgað sje undir sendinguna sem krossbandssending, og skal jeg þjónustusamlega skora á yður að haga kröfum eptir því. **50**
20. marz

Brjef ráðgjafans fyrir Ísland til landshöfðingja um yfirstjórn skrásetningar- og skipamælingarmálefni. (Ágrip). — Samkvæmt allraþegnsamlegustu tilögum ráða neytisins fyrir Ísland, hefur Hans Hátign konunginum þann 20. þ. m. allramildilegast þóknast að samþykkja það, að yfirumsjón þeirra málefna, er snerta skipa-skrásetning og skipamæling á Íslandi, skuli falin aðalstjórn skattamálanna. **51**
25. marz

Brjef landshöfðingja til sýslumannsins í Ísafjarðarsýslu um styrk til gufubátsferða í Vestfirðingafjórðungi. — Eptir að hafa fengið þóknanlegt brjef yðar, herra sýslumaður, dagsett 17. f. m., þar sem þjer skýrið frá, að ómögulegt hafi reynzt að koma á í einu lagi gufubátsferðum um Vestfirðingafjórðung og á Húnaflóa, vil jeg hjer með samkvæmt beiðni sýslunefndarinnar í Ísafjarðarsýslu og tillögum yðar veita af fje því, sem í 12. gr. C. b. í fjárlögnum fyrir 1896 og 1897 er veitt til gufubátsferða í Vestfirðingafjórðungi, til gufubátaferða um Ísafjarðardjúp á komandi sumri $\frac{3}{4}$ á móti $\frac{1}{4}$ úr hlutadeigandi sýslu- og bæjarsjóði, allt að 3200 krónum, með því skilyrði, að bátur sá, sem ráðinn verður til þess, ara ferða flytji póstsendingar, vitji þeirra og skili þeim á pósthúsum á viðkomu-stöðum, án sjerstaks endurgjalds. **52**
10. apr.

Þetta tilkynnist yður hjer með þjónustusamlega til þóknanlegrar leiðbeiningar og frekari ráðstöfunar.

Brjef landshöfðingja til sýslumannsins í Eyjafjarðarsýslu og bæjarfógetans á Akureyri um lán til tóvinnuvjela. — Í þóknanlegum brjefum, dagsettum 12. f. m., hafð þjer, herra sýslumaður og bæjarfógeti, fyrir hönd bæjarstjórnar Akureyrarkaupstaðar farið þess á leit, að jeg veitti samþykki til þess, að Akureyrarkaupstaður taki 2000 kr. lán til þess ásamt sýslunefnd Eyjafjarðarsýslu að koma upp tóvinnuvjelum, og í umboði sýslunefndarinnar og bæjarstjórnarinnar beiðst láns til þessa fyrirtækis af viðlagasjóði, að upphæð 12000 kr., gegn ábyrgð sýslufjelagsins að $\frac{5}{6}$ hlutum og bæjarfjelagsins að $\frac{1}{6}$ hluta. **53**
10. apr.

Út af þessu skal yður hjer með þjónustusamlega tjáð, að heimild sú,

53 sem í fjárlögunum fyrir 1896 og 1897 er veitt til þess að lána fje úr viðlaga-
10. apr. sjóði gegn sjerstökum, vægum kjörum, til þess að koma á tóvinnuvjelum, nær
að eins til sýslufjelaga, en ekki til bæjarfjelaga, og getur hið umbeðna lán þess
vegna því að eins fengizt, að sýslunefndin taki það að öllu leyti, og standi í á-
byrgð fyrir því.

Á hinn bóginn vil jeg veita samþykki til, að bæjarstjórn Akureyrar taki
lán upp á bæjarfjlagið, eins og að framan greinir, í hinu umrædda skyni, en
það lán getur ekki fengizt af landssjóði með hinum vægari kjörum, er fjárlögin
heimila sýslufjelögum.

Þetta tilkynnist yður hjer með þjónustusamlega til þóknanlegrar leið-
beiningar og frekari birtingar.

54 Brjef landshöfðingja til sýslumannsins í Skagafjarðarsýslu um að ekki megi
11. apr. byggja í brekkunum fyrir ofan Sauðárkrók úr öðru efni en timbri eða grjóti o. fl. —
Ut af fyrirspurn, er hingað hefir borizt beina leið frá nokkrum búendum á Sauð-
árkrók, þar á meðal kaupmönnum Chr. Popp, Stefáni Jónssyni og W. Claesen
um það, hvort brekkur þær, er með landshöfðingja brjefi, dagsettu 18. apríl 1883
(Stjt. B, bls. 58) voru teknar úr Sauðárlandi og lagðar undir Sauðárkrók, beri
að skoða sem nokkurs konar almenningseign, þar sem byggja megi hús úr hvaða
efni sem er, og sjeu því undanskildar ákvæði því í nefndu brjefi að »eptirleið-
is má ekki byggja hús á Sauðárkróki nema úr timbri eða steini«, þá undanfelli
jeg ekki hjer með þjónustusamlega að tjá yður, herra sýslumaður, til þóknan-
legrar leiðbeiningar og frekari birtingar, að með því að tjeðar brekkur eptir
beinum fyrirmælum optnefnds landshöfðingjabrjefs, heyra undir land Sauðár-
króks, þá hljóta reglur þær, sem brjefið fyrirskipar um byggingu og þess konar
einnig að ná til brekknanna, þannig að eigi má byggja þar hús úr öðru efni, en
timbri eða grjóti.

55 Brjef landshöfðingja til stiptsyfirvaldanna um lántökuleyfi handa Rípurpresta-
15. apr. kalli til húsabóta á prestssetrinu. — Samkvæmt tillögum yðar, herra amtmaður
og herra biskup, í þóknanlegu brjefi, dagsettu 7. f. m., vil jeg hjer með veita
samþykki mitt til, að presturinn að Ríp í Hegranesi, sjera Sveinn Guðmundsson,
taki 800 kr. embættislán úr landssjóði handa nefndu prestakalli til að bæta stað-
arhúsin á prestssetrinu á þann hátt, er segir í tjeðu brjefi yðar og skjölum þeim
er því fylgdu. Þó er samþykki mitt bundið þeim skilyrðum, að lánid verði end-
urborgað af uppbót brauðsins á 16 árum, að prófasturinn samþykki fyrirkomu-
lag húsanna og framkvæmi skoðunargjörð á þeim að verkinu loknu, að hin ný-
hyggðu hús verði eign staðarins og afhendistaf prestinum eða dánarbúi hans, við
burtför hans, í fullgildu standi eður með fullu álagi og að presturinn haldi þeim í
í vátryggingu fyrir að minnsta kosti 1500 kr. undir eptirliti prófasts.

Þetta undanfelli jeg ekki hjer með þjónustusamlega að tjá yður til þókn-
anlegrar leiðbeiningar og frekari ráðstöfunar.